

2012

1. SING VROLIK (PS 33 vers 1)

Sing vrolik, hef die stem na bowe,
Regverdiges, verhef die Heer!
Dit pas opregtes God te lowe
En uit te jubel tot sy eer.
Laat die psalm-gesange
Stem van sterk verlange
Om die Heer te dank
By die smeltend skone
harp- en sitertone
Liefde en lof verklank!

2. MAGALIESBURGSE AANDLIED

Hoed my as ek my gaan neerlê
Grote God wat altyd waak.
O, beskerm my deur U Almag
As die kwade my genaak.
O vergeef my al my sondes

Dan lê ek my hofie neer.
Dood of hel sal ek nie vrees nie,
Want u is my Rotssteen Heer.
Neem my ouers en my vriende
In bewaring hierdie nag.
Môre dank ons U vir goedheid
Gawe van 'n nuwe dag.

3. LIED VAN JONG SUID-AFRIKA

En hoor jy die magtige dreuning?
Oor die veld kom dit wyd gesweef,
Die lied van 'n volk se ontwaking
Wat harte laat sidder en beef.

Van Kaapland tot bo in die Noorde,
Rys daverend luid die akkoorde:
Dit is die LIED van jong Suid-Afrika,
Dit is die LIED van jong Suid-Afrika,
Dit is die LIED van jong Suid-Afrika.

4. DIE STEM VAN SUID-AFRIKA

Op U Almag vas vertrouend, het ons
vadere gebou:
Skenk ook ons die krag, o Here! om te
handhaaf en te hou -

Dat die erwe van ons vaad're, vir ons
kinders erwe bly:
Knegte van die Allerhoogste, teen die hele
wêreld vry.

Soos ons vadere vertrou het, leer ook ons
vertrou, o Heer -
Met ons land en met ons nasie, sal dit wel
wees, God regeer.

5. VLAGLIED

Nooit hoef jul kinders wat trou is te
vra
Wat beteken jou vlag dan Suid-Afrika?

Ons weet hy's die seël van ons vryheid
en reg
Vir naaste en vreemde, vir oorman en
kneg

Die pand van ons erfenis, geslag tot
geslag
Om te hou vir ons kinders se kinders
wat wag

Ons nasie se grondbrief van
eiendomsland
Uitgegee op gesag van die hoogste se
hand

Oor ons hoof sal ons hys, in ons hart
sal ons dra
Die vlag van ons eie Suid-Afrika.

6. NASIONALE LIED

Nkosi sikelel' iAfrika
Nko-si si-ke-lel' i- Afrika

Maluphakamyisw' uphondo lwayo,
Ma-lu-pha-ka-myis- w' u-fon-do lwa-yo,

Yizwa imithandazo yethu,
Yiz-wa im-i-than-da-zo ye-thu,

Nkosi sikelela, thina lusapho lwayo.
Nko-si si-ke-le-la thi-na lu-sa-pho lwa-
yo.

Morena boloka setjhaba sa heso,
Mo-re-na bo-lo-ka se-tjha-ba sa he-so,

O fedise dintwa le matshwenyeho,
O fe-di-se din-twa le ma-tshwen-ye-ho,

O se bo-lo-ke,
O se bo-lo-ke

O se boloke setjhaba sa heso
Oo se bo-lo-ke, set-jha-ba sa he-so

Setjhaba sa South Africa –
Set-jha-ba sa South A-fri-ca –

South Africa.
South A-fri-ca.

Uit die blou van onse hemel,
Uit die diepte van ons see,
Oor ons ewige gebergtes,
Waar die kranse antwoord gee.

Sounds the call to come together,
And united we shall stand,
Let us live and strive for freedom,
In South Africa our land.

7. SARIE MARAIS

My Sarie Marais is so ver van my hart,
maar'k hoop om haar weer te sien.
Sy het in die wyk van die Mooirivier
gewoon,
nog voor die oorlog het begin.

KOOR

O bring my t'rug na die ou Transvaal,
daar waar my Sarie woon,
daar onder in die mielies by die groen
doringboom,
daar woon my Sarie Marais,
daar onder in die mielies by die groen
doringboom,
daar woon my Sarie Marais.

Ek was so bang dat die Kakies my sou
vang
en ver oor die see wegstuur;
toe vlug ek na die kant van die
Upington se sand
daar onder langs die Grootrivier.

KOOR

Verlossing het gekom en die huis toe
gaan was daar,
terug na die ou Transvaal;
my liewelingspersoon sal seker ook
daar wees
om my met 'n kus te beloon.

KOOR

8. DIE VROLIKE MUSIKANT

My vader was 'n musikant, 'n man van
durf en daad,
met stem en snaar, viool, kitaar was hy
altyd kordaat.

Wal-de-rie, wal-de-ra, wal-de-rie, wal-de-
ra-la, la, la, la, la.

Wal-de-rie, wal-de-ra, was hy altyd
kordaat.

My moeder was 'n musikant, 'n niggie
fiets en fraai;
met bly gemoed en lig van voet kon sy
ook tiekiedraai.

Wal-de-rie, wal-de-ra, wal-de-rie, wal-de-
ra-la, la, la, la, la.

Wal-de-rie, wal-de-ra, kon sy ook
tiekiedraai.

En nou is ek 'n musikant, hoe kan dit
anders wees!
Ek speel soos pa en dans soos ma--die
skoene pas by die lees.

Wal-de-rie, wal-de-ra, wal-de-rie, wal-de-
ra-la, la, la, la, la.

Wal-de-rie, wal-de-ra, die skoene pas by
die lees.

9. HOU KOERS

As die lente oor die velde
in 'n asem groen ontwaak
leer en speel ons in ons eie
word die toekoms oopgemaak.

Om die kampvuur in die stiltes
weef ons drome in die wind
strek ons uit na horisonne
sal die hoop ons saam verbind.

Hou koers! Hou koers!
Deel die liefde vir ons land.
Hou koers! Hou koers!
Pluk die toekoms vat my hand.

As die son se môreklanke
Saggies in my oor kom lê
Kies my voete wandelpaaie,
Weet ek wat my siel wil hê.

Oor die vlaktes, deur die ruimtes,
Lê my spore ankervas,
Volg ek bly my volk se roetes
Met geloof se klein kompas

Hou koers! Hou koers!
Deel die liefde vir ons land.
Hou koers! Hou koers!
Pluk die toekoms vat my hand.

10. IN ONS KONTREI

In ons kontrei (2x) woon daar 'n nooi (2x)
Sy drink haar koeimelk deur 'n strooi

Ek vra haar toe (2x) my liewe nooi (2x)
Waarom drink jy melk deur 'n strooi?

My vriend sê sy (2x) dit maak my mooi
(2x)
As ek my melk drink deur 'n strooi

Maar wag 'n bie-(2x) tjie sê ek toe (2x)
En tel die nooientjie op my knie

Toe wang teen wang (2x) Haar lippies rooi
(2x)
Drink ons toe koeimelk deur 'n strooi

En nou het ek (2x) Tien kindertjies (2x)
En dit van melk drink deur 'n strooi

Ek het daarby (2x) 'n Skoonmoeder (2x)
En sy is net die laaste strooi

Aanvaar die les (2x) Kom luister mooi (2x)
Drink nooit jou koeimelk deur 'n strooi

11. NOG VOORDAG IN DIE MÔRE

Nog voordag in die môre
Daar blaas die opstaanbeuel

En orals uit die tente
Kom kinders uitgepeul.

“Staan op! Staan op! Gaan was gou
jou gesig! (2X)

Kom hou jou bord en beker,
Die pap en wors is gaar !”

Te laat vir vlagparade,
Daar roep die offisier;

Hy stuur jou gou kombuis toe
En laat jou potte skuur.

O hart! Dis swart! Die vet het
vasgebrand!

Maar nou’s jy nie meer laf nie, (2X)
Die lewe is maar suur!